



## 農舍

田坵隔壁該坵田賣分一個歇市鎮個人。

初下田坵本本蔣等禾仔，問起來掖肥、射藥仔個人，敢係田坵就係賣分佢，結果又毋係。過核幾年，該坵田無再蔣禾咁！跔等來个係一拖拉庫、一拖拉庫个泥車入來，講係田主愛將田坵屯高，發大水个時節正毋會浸著水。

一開始看毋識隔壁在該坵麼个古怪，下後正知係田主人愛起一間農舍。下後去田坵做事就看等隔壁定定仔平地起高屋，一坵好好个田坵尾下就正式「種」出一棟「農舍」。等到屋舍造好，屋主乜毋係每日來歇，佢等就淨放寮日會來定定。

講該係一棟農舍，其實就淨外表看起來就比莊肚任何一間屋舍過豪華，莫講啊該農舍四周圍个造景。仰仔看，該農舍都係有口人家在草地仔起个別莊。毋管該係農舍也係別莊，自從隔壁該坵田種出屋舍過後，就無再看著佢等蔣禾、做一般个農作。

幾擺仔有機會堵著隔壁个地主，同佢譚多，佢講佢盡好大自然、盡好種樹仔。佢看佢寮日來个情況，斷真係十分享受个樣仔。但係看佢種个樹仔，清一色都係共一種，該樹種還係現下最時行、價數有過高个樹仔。看等佢整修樹仔个形仔，這下佢正知得，人家係來渡假兼投資。

自從隔壁起一間農舍過後，佢這面前幾下坵个田坵定定仔一間一間个農舍乜「種」出來咁！到放寮日，這附近鬧熱起來就像係一個渡假个天堂。毋過，放眼四方看去，頭擺係一大片百過零甲个洋田，今這下除核吾這坵田，其他一概就淨伸農舍、牆頭同看寮个樹仔。

幾下擺有人來問，看佢个田坵愛賣無？一開始聽著價數好，做得賣著一大筆个錢，使得分自家个物質生活加過享受。但係恁著有這坵田，閒常時做得種兜果子，再畜幾寶雞鴨。下班時節係來田坵仔行行啊！看等雞鴨走上走下，黏時上班做事个辛苦就消蝕核。就係有麼个毋堵好，心情毋好个時節來這餵雞鴨，看等這兜頭牲仔落食，還分人有療癒个功能，這種个暢樂係用錢買都買毋著个。

耕田講係辛苦，毋過還係莫賣好咁！放寮日去田坵做事，聽著隔壁傳來有講有嘅个聲音，心肚恁想，該片有佢等个暢樂；佢這跡位乜有自家个歡喜。還係莫賣好咁！耕田、起農舍，各人歡喜就好。

作者：陳志寧

### ☆詞彙學習☆

【市鎮個人】sii ziin` ge ngin`：住在都市的人。

【掖肥】ie pi`：施肥。

【射藥仔】sa iog e`：噴灑農藥。

【拖拉庫】to` la ku：外來語，大卡車的意思。

【坵古怪】mied` gu` guai：故做神祕。

【草地仔】co` ti e`：農村、鄉下的意思。

【譚多】dam` de`：聊天。

【清一色】qiang` id` sed`：全部都是同一類的意思。

【面前】mien qien`：附近的意思。

【時行】sii` hang`：流行。

【洋田】iong` tien`：面積廣大、地勢平坦的田地。

【使得】sii` ded`：可以。

【寶】deu：形容同一批養成的雞鴨。